

ANEXO IV

Bolsas para formación en temas de investigación mariña de técnicos especialistas en formación profesional de segundo grao e ciclos formativos de grao superior:

Suplentes:

-Rama sanitaria: especialidade de anatomía patolóxica/familia profesional sanidade: especialidade de anatomía patolóxica e citoloxía:

-Irene Naveira Couso (DNI 53115174-D).

-Mónica Lago Rouco (DNI 36149742-K).

-Rama marítimo-pesqueira: especialidade de cultivos mariños/familia profesional actividades marítimo-pesqueiras: especialidade de produción acuícola.

-Carmen Carrera Formoso (DNI 32825733-H).

-M^a Carmen Freire Martínez (DNI 52935350-E).

-Consuelo Darriba Santiago (35459930-W).

CONSELLERÍA DE EDUCACIÓN E ORDENACIÓN UNIVERSITARIA

Orde do 22 de maio de 2001 pola que se autoriza o centro privado Santa María del Mar da Coruña para impartir bacharelato da modalidade de tecnoloxía.

Examinado o expediente instruído por instancia do titular do centro privado Santa María del Mar, da Coruña, no que solicita autorización definitiva para impartir bacharelato da modalidade de tecnoloxía.

Tendo en conta que o expediente foi tramitado pola Delegación Provincial da Consellería de Educación e Ordenación Universitaria da Coruña, que se remite cos informes correspondentes.

Vistos a Lei 1/1990, do 3 de outubro (BOE do 4 de outubro), de ordenación xeral do sistema educativo, Real decreto 1004/1991, do 14 de xuño (BOE do 26 de xuño), polo que se establecen os requisitos mínimos dos centros que imparten ensinanzas de réxime xeral non universitarias, Decreto 133/1995, do 10 de maio (DOG do 22 de maio), sobre autorización de centros docentes privados para impartir ensinanzas de réxime xeral non universitarias e a Orde do 20 de setembro de 1995 (DOG do 15 de decembro) que o desenvolve.

Considerando que concorren no expediente os requisitos esixidos nas disposicións vixentes para poder acceder ó solicitado.

Esta consellería, por proposta da Dirección Xeral de Centros e Inspección Educativa,

DISPÓN:

Primeiro.-Autoriza-lo centro privado Santa María del Mar da Coruña para impartir bacharelato da modalidade de tecnoloxía, segundo se especifica no anexo desta orde.

Segundo.-Antes do inicio das ensinanzas que se autorizan, a delegación provincial da Consellería de Educación e Ordenación Universitaria, logo de informe da Inspección Educativa, aprobará expresamente a relación de persoal que imparta docencia no dito centro, así como o equipamento adecuado para impartir-las ditas ensinanzas.

Terceiro.-Queda o centro obrigado ó cumprimento da lexislación vixente e a solicita-la oportuna revisión cando teña que modificarse calquera dos datos que sinala esta orde.

Cuarto.-Contra esta orde, que esgota a vía administrativa, os interesados poderán interpoñer recurso potestativo de reposición perante o conselleiro de Educación e Ordenación Universitaria, no prazo dun mes, a partir do día seguinte ó da súa publicación no *Diario Oficial de Galicia*, segundo o disposto nos artigos 116 e 117 da Lei 4/1999 (BOE do 14 de xaneiro), de modificación da Lei 30/1992, de réxime xurídico das administracións públicas e do procedemento administrativo común, ou ben directamente o recurso contencioso-administrativo no prazo de dous meses perante o Tribunal Superior de Xustiza de Galicia.

Santiago de Compostela, 22 de maio de 2001.

Celso Currás Fernández
Conselleiro de Educación e Ordenación Universitaria

ANEXO

Provincia: A Coruña.

Concello: A Coruña.

Localidade: A Coruña.

Enderezo: avda. da Pasaxe, 69.

Código do centro: 15004642.

Denominación: Santa María del Mar.

Titular: Compañía de Jesús.

Ensinanzas que se autorizan: bacharelato da modalidade de tecnoloxía.

Composición resultante:

a) Centro de educación infantil: 9 unidades.

b) Centro de educación primaria: 24 unidades.

c) Centro de educación secundaria:

-16 unidades de educación secundaria obrigatoria.

-8 unidades de bacharelato das modalidades de ciencias da natureza e da saúde; humanidades e ciencias sociais, e tecnoloxía.

d) Centro de educación especial: 1 unidade (psíquicos).

Orde do 31 de maio de 2001 pola que se modifica para o curso 2001-2002 o horario semanal da educación secundaria obrigatoria derivado da Orde do 19 de xuño de 1996, pola que se regula a implantación desa etapa.

En cumprimento do Real decreto 1007/1991, do 14 de xuño, modificado polo Real decreto 894/1995, do 2 de xuño, que fixou as ensinanzas mínimas correspondentes á educación secundaria obrigatoria, a Orde do 19 de xuño de 1996 estableceu para a

Comunidade Autónoma de Galicia o horario semanal para cada un dos cursos desa etapa.

Este real decreto foi recentemente modificado polo Real decreto 3473/2000, do 29 de decembro, que determina no seu anexo II o novo horario escolar correspondente ás ensinanzas mínimas para a educación secundaria obrigatoria e na disposición transitoria única o calendario de implantación das modificacións. En particular, no curso 2001-2002 serán de aplicación os novos horarios escolares correspondentes ás ensinanzas mínimas da educación secundaria obrigatoria e que só difiren dos precedentes no primeiro ciclo.

Cómpre, polo tanto, fixa-las correspondentes modificacións para o curso 2001-2002 do horario escolar da educación secundaria obrigatoria na Comunidade Autónoma de Galicia.

En consecuencia, e no uso das competencias que lle están atribuídas á Consellería de Educación e Ordenación Universitaria,

DISPOÑO:

Artigo único.-No curso 2001-2002, os centros educativos engadirán ós seus horarios lectivos semanais, elaborados conforme a Orde do 19 de xuño de 1996, no primeiro ciclo de educación secundaria obrigatoria os períodos semanais que se relacionan a continuación:

- a) En primeiro curso, un período semanal na área de lingua galega e literatura, que se destinará á realización de actividades de lectura dirixida.
- b) En segundo curso, un período semanal na área de lingua castelá e literatura, que se destinará á realización de actividades de lectura dirixida.
- c) En primeiro e segundo curso, un período semanal na área de matemáticas.

Como consecuencia destas modificacións, o número total de períodos semanais en primeiro e segundo curso de educación secundaria obrigatoria será de 32.

Disposicións derradeiras

Primeira.-Autorízanse as direccións xerais de Ordenación Educativa e Formación Profesional, de Centros e Inspección Educativa e de Persoal para dicta-las normas que sexan precisas para a execución do establecido na presente orde.

Segunda.-Esta orde entrará en vigor a partir do día seguinte ó da súa publicación no *Diario Oficial de Galicia*.

Santiago de Compostela, 31 de maio de 2001.

Celso Currás Fernández
Conselleiro de Educación e Ordenación Universitaria

Orde do 14 de xuño de 2001 pola que se convocan axudas para as corporacións locais que sexan titulares de escolas-fogar e se regula a súa concesión no presente exercicio económico.

A Lei orgánica 8/1985, do 3 de xullo, reguladora do dereito á educación, establece no seu artigo 11

o dereito de tódolos españois a recibiren unha educación básica e accederen a niveis superiores de educación.

Nesta liña, a Lei orgánica 1/1990, do 3 de outubro, de ordenación xeral do sistema educativo, dispón que a política educativa reforzará a acción do sistema educativo coa finalidade de evita-las desigualdades derivadas dos factores sociais, económicos, culturais, xeográficos, étnicos ou doutra índole.

Pola súa parte, o Decreto 2240/1965, do 7 de xullo, regulou a creación das escolas-fogar como centros destinados á educación en réxime de internado de nenos residentes en zonas de poboación ultradiseñada, tendo como finalidade a de conseguir unha maior igualdade de oportunidades no ensino.

De acordo coa lexislación das corporacións locais, os concellos teñen entre as súas finalidades a de contribuír e cooperar á mellora educativa e cultural. Neste contexto, determinados concellos son titulares de escolas-fogar, polo que se estima necesario que a Administración educativa conceda axudas económicas ás ditas corporacións coa finalidade de contribuír ó seu funcionamento e á mellora dos servizos que veñen prestando.

En consecuencia, esta consellería

DISPÓN:

Primeiro.-Finalidade.

Esta orde ten por finalidade convocar axudas económicas para as corporacións locais que sexan titulares de escolas-fogar no ámbito da Comunidade Autónoma de Galicia, e regula-lo seu procedemento e condicións de outorgamento no presente exercicio económico.

Segundo.-Importe.

Estas axudas serán con cargo á partida orzamentaria 07.03.323A.460.0, da Dirección Xeral de Centros e Inspección Educativa, e non superarán o importe de 4.200.000 pesetas.

Terceiro.-Solicitudes, prazos e documentación.

1. As solicitudes serán presentadas polos representantes das corporacións locais nas delegacións provinciais de Educación e Ordenación Universitaria e irán dirixidas ó director xeral de Centros e Inspección Educativa, segundo o modelo de instancia que figura como anexo desta orde, ou por calquera dos medios previstos no artigo 38.4º da Lei 30/1992, de réxime xurídico das administracións públicas e do procedemento administrativo común.

2. O prazo de presentación de instancias é dun mes, contado a partir da entrada en vigor desta orde.

3. Ás solicitudes xuntaráse-la seguinte documentación:

A) Memoria das características demográficas, socioeconómicas e xeográficas do contorno.

B) Exposición razoada dos motivos xeradores da necesidade da axuda e actividades para as que se solicita.

C) Número de alumnos residentes internos na escola-fogar, separados por niveis e sinalando o número e núcleos de poboación de procedencia así como